

TARIKH 11.7.2019 (KHAMIS)
MEDIA BERITA HARIAN
MUKA SURAT 12

Teroka ekonomi digital, Revolusi Industri 4.0

Kuala Lumpur: Ekonomi digital dan Revolusi Industri 4.0 (IR 4.0) yang menjadi tumpuan banyak sektor perniagaan ketika ini memiliki peluang luas buat generasi muda menerokai pasaran perniagaan tanpa memerlukan modal besar, namun berupaya menjana pulangan tinggi.

Usahawan digital yang juga ahli Persatuan Usahawan Internet Malaysia, Faizal Mukhtar berkata bagi mencapai sasaran itu, ilmu dan

pengetahuan diperlukan bagi membolehkan mereka meneroka peluang dengan cara betul dan tidak berisiko.

"Apabila ekonomi berubah ke dunia digital, kita kena lebih peka apa yang berlaku secara dalam talian. Dunia digital ini setiap waktu dan detik, memerlukan untuk kita peka dengan perubahan iklim terutama persekitaran ekonomi dunia yang semakin pesat.

"Kalau kita teliti iklim perni-

gaan dunia lima hingga 10 tahun lalu, ia sudah jauh berbeza dengan sekarang. (Sekarang) kita sudah bincang mengenai penggabungan perniagaan, Revolusi Industri 4.0.

"Jadi mungkin ramai daripada Bumiputera belum dimaklumkan mengenai perkara ini. Apabila kita terlewat walaupun sedikit, kita akan ketinggalan lebih jauh," katanya.

Beliau berkata demikian ketika

lintas langsung bersama *BH* sempena program Bicara *BH*, yang mengupas topik 'Antara Tempang dan Tongkat', disiarkan menerusi platform Facebook Live *BH*, semalam.

Ditanya sama ada pemberian subsidi dan bantuan kerajaan diperlukan dalam memastikan perniagaan dan usahawan Bumiputera ini boleh berkembang maju, Faizal berkata ia bergantung kepada keperluan pemohon dan usahawan itu.

"Tongkat (bantuan kerajaan) secara peribadi perlu jika mahu Tongkat dan tempang itu hanya satu ilusi kerana yang sebenarnya ia perlu bermula dengan modal insan (kesedaran mengenai kemampuan diri).

"Mereka perlu menggunakan apa yang ada di hadapan mata kemudian membuat rangkaian dan jalinan keusahawanan dan perniagaan. Di sinilah sebenarnya modal (perniagaan)," katanya.